

لمسة حنان من ريش جناحها

بكل بساطة

بكل بساطه بتضحى وبتبيع اللى كان بينا..
بطلّة وشك البنور تكب النور
ويتدحرج شعاع مغشوش على الأسفلت
وتتدارى فى سكون محرج..
من الدقات اللى شاغلة القلب بتتاور
وبتجاوز تكون كارهة ومش قادرة..
وترفع إيدها بالدعوات لرب الكون
جايز يقبلها فى الملكوت..
وتنسى الموت اللى بيشوش فى تفكيرها
بكل بساطة بتعدى لليل مزنوق..
وتنسى الضوء اللى كان ساطع

على حيطان الهوى الحيران..

وتفكيرها أكيد مشلول..

أكيد قاصر بوازع قلة الخبرة

ومش قادرة تحدد أحاسيسها

اللى مهزوزة

بكل بساطة جت رامية فى وشه النار

وكات جمراته حراقه..

أكيد مشتاقه للدوران

تطفى الباقي م الأحزان

بلاش تستعجلى القسوة..

وسيبى النخوة تنهجى ملامحها
جايز ترجع عن المكتوب..
وتبحث عن وطن تانى يكون خالى
مفهش دموع
مفهش أو هام بتتخلق على مقاسك..
وإن داسك زمن مزوموم
فعودى بسرعة لطبيعتك..
لأحلامك..
صفي قلبك..

لبسمة راسمه تفاحها على خدودك

لنور قايد فى وجدانك..

بكل بساطة هتلاقى الحياه سهلة

ومش مستهله تتعقد

وتتشبك عقد شراشيب..

وانتى الطيب.. وريحته طاله م البساتين

ياليلة عيد..

وأجمل طاله فى المواعيد.

غيدہ الزراع